

外科眞詮卷下目錄

發無定位部

疔瘡

楊梅瘡

結毒

補鼻還原

流注

癭瘤

結核

癰發

癰疽

大麻風

癰瘋

赤白遊風

紫白癰風

白駁風

癰瘍風

丹毒

枯筋箭

瘰癧

翻花瘡

瘡瘡

血風瘡

天泡瘡

火赤瘡

火珠瘡

貓眼瘡

魚脊瘡

鴉陷瘡

瘰瘡



南京中醫藥大學圖書館版權所有

癌瘡

風疔

血瘡

血箭

血瘰

白疔

金絲瘡

天蛇瘡

火炎瘡

黃花瘡

射工瘡

蜘蛛瘡

蛇窠瘡

狐刺瘡

疥瘡

漆瘡

凍瘡

杖瘡

湯火瘡

席瘡

小兒部

濕皮瘡

赤遊丹青

內丹

露丹

胎毒

胎瘤

奶鮮

遺毒

顙腫

項核

無辜疔

葡萄疫

瘡瘡

瘡瘡

瘡瘡

怪症部

手上蛇形

臍口蛇尾

身長鱗甲

鳥鵲包

心窩生口

腰間肉帶

鬼胎

頭角青紫

頭腫如斗

腿硬如石

遍身疥瘡

腳板生指

手掌高起

腳板如火

手足脫下

指甲脫下

指縫流血

腳肚肉塊

目睛忽垂

指斷出虫

截腸

筋肉化虫

乳懸

怪斑

脈溢

足墜

指生珊瑚

唇上生齒



南京中醫藥大學圖書館版權所有

鼻生紅線

眼睛長出

眼長肉條

以上共九十一  
四症

經絡圖注

內景圖說

脈學提要

雜症揭要

藥品大畧

吳先生治按

胡先生治按



南京中醫藥大學圖書館版權所有

# 疔瘡

肝江鄒岳五峯氏著  
石埭沈振瑞登峯氏校

疔瘡發無定處堅硬如釘故名曰疔生是毒者膏梁人居其半皆因營衛過滯火毒外發也非獨節候寒溫之失令牛羊犬豕之遺毒得之古今稱名不一孫真人分一十五種李東垣分二十三種中啟元分三十四種其實華元化分五種盡之矣五種者以青黃赤白黑分應五臟也其實紫黑及黃泡老居多初起卽有一小吻吻項有一小點如麻子大或赤或黑所謂未老先白頭是也黑者屬重症周圍木紅色漫腫先痒而後焮痛寒熱交作治法宜內服敗毒散外用針刺瘡頭至痛處擠去惡血點



入白降丹少許於內上加冰翠散蓋膏若高腫根深者須用降  
丹打線插入上面仍用冰翠蓋膏上藥後到雞鳴時卽能止痛  
三日後方可起膏如腫已消盡毒根雖岩可用拊拊去毒根  
烏雲散蓋膏每日換一次數日卽可收功如過三日尙未離岩  
向疔頭周圍周拊剔開摻紅昇丹少許蓋膏次日卽可拊去仍  
用烏雲散蓋膏如有餘腐未盡於烏雲內配冰翠少許如肌肉  
寒冷久不收口者仍用生肌散收功

若是紅絲疔須先用燈心蘸烟油於紅絲上盡處灸一壯再刺  
疔頭如上治法或用浮萍草嚼爛敷亦佳

又有暗疔先發寒熱拘急腋下堅腫無頭或陰囊腫痛罌疔疔  
元如筋頭者是也 又有內疔先發寒熱腹痛數日間忽然腫

起一塊如積者是也二症不用針刺外用野菊花根葉搗爛敷  
內服敗毒散自愈若毒勢不盡憎寒壯熱仍作者宜服五味消  
毒飲如發熱口渴便閉脉沉實者邪在裡也宜服黃連解毒湯  
加生大黃一錢五分葱頭五個菊花根三錢治之

又有羊毛疔身發寒熱狀類傷寒但前心後心有紅點又如疹  
形視其斑點色紫黑者爲老色淡紅者爲嫩先將紫黑斑點用  
衣針挑出如羊毛狀前後心共挑數處同黑豆蕎麥研粉塗之

內服敗毒散卽時汗出而愈一法用明雄黃二錢青布包扎醃熱燒酒於前心搽之自外圈入內其毛卽奔後心再於後心搽之其毛俱拔出於布上將布埋之忌茶水一日

又有伴場疔生於正疔左側仍照常法治之

又有血疔或生肘下或生眼角疔有一竅如針眼淌鮮血不止急用眞香油四兩無灰酒不拘多少和勻熱服其血立止徐用野菊花濃煎常服切忌茶湯

又有水疔四圍紅赤中間一點漆烏堅硬如石痛不可忍破後惟流血水宜用土牛膝搗爛入鹽少許和勻敷或用生蜜調洪



寶膏敷潰後用冰翠合烏雲散蓋膏自愈此症乃皮膚熱毒只  
用外治自可全愈重者亦少發寒熱內服敗毒散一二劑  
又有滿天星疔其形如黑豆四畔起赤色今日生一顆明日生  
二顆增至三十六不再生此亦腎疔也其毒最橫必須早治若  
生至三十六數雖有仙丹莫可援救

又有釘腦疔發於太陽眼邊十死一生

若疔頭腐爛不知是疔是毒先問其初起時有痒否有小吻否  
有則是疔無則是毒又看口中頰邊舌上有赤黑如珠者是疔  
也



北京中医药大学图书馆版权所有

凡唇上生疔只宜用拊拊破疔頭不可用針深刺

若被人醫壞或延捱未治以致疔頭腐爛陷下卽是走黃之症  
如眼目能開聲音响曉心頭不燒者尚可醫治必先用蠶絲  
下護心丸二錢內外治法照上

凡疔瘡重症服藥宜用重劑日夜當茶飲之可也

凡疔瘡針之不痛其人眼黑或見火光者不可治也此邪毒之  
氣入於臟腑故也

疔瘡火毒之王可以傳染他人凡看此症須於光明闊大處看  
之令其毒氣外泄免受傳染



凡人暴死者多是疔毒急取燈遍照其身若有小瘡卽是疔毒按法治之亦有復甦者

凡生疔瘡手足冷六脉暴絕者係毒氣閉塞元氣不能宣通先用菊花根煎酒服之徐服木香流氣飲其脉自見其脉自回

凡疔潰後不宜補早雖見真虛只可平補忌用溫補之藥

凡疔瘡針入疔根堅硬者爲順若針刺入綿軟如瓜瓢不知痛者爲逆百無一生

疔瘡初起失治或房勞夢遺損氣以致毒氣內攻走黃不住者其瘡必塌陷急當隨走黃處按經找尋有一芒刺直豎卽是疔



苗急用針刺出惡血卽在刺處用艾圓連灸三壯以宣餘毒內服內托安神散加菊花治之若身面漫腫神昏悶亂乾嘔心煩作渴遍身起泡抽搐者俱爲逆症

凡疔瘡俱由火毒而生忌服辛熱之藥恐反助其邪也忌敷寒涼之藥恐逼毒攻裡也初潰切忌用生肌藥恐毒未除反增潰爛也

疔瘡有朝發夕死隨發隨死誠外科症中迅速之病也凡治此症貴在乎早初起卽治者十全十活稍遲者十全五六失治者十全一二內服莫妙於菊花甘草湯外治莫捷於白降丹須用

針先刺插藥自效書云疔瘡先刺血內毒宜汗泄禁炙不  
怕綿不怕鐵

敗毒散

防風 一錢 前胡 一錢 元參 二錢 公英 五錢 生地 三錢

銀花 二錢 山甲 一片 赤芍 錢五 連召 一錢 甘草 七分

野菊花根五錢引無菊根用烏柏根白皮亦可二者俱  
無宜用菊花二錢代之

五味消毒飲

金銀花 三錢 野菊花 錢五 蒲公英 二錢 紫花地 錢五



南京中醫藥大學圖書館版權所有

紫背天葵子

錢五分

無灰酒

半杯

全煎服

黃連解毒湯

黃連

黃芩

黃柏

梔炭

銀花

護心丸

青礬

二兩

明雄

五錢

元寸

一分

蒼耳頭葉灰

二錢

研末洒丸梧子大每服二錢蜜湯送下

木香流氣飲

黃耆

當歸

白芍

紫蘇

桔梗

只寔

台烏

陳皮

半下

伏苓



防風 一錢

伏毛

兵郎

宅瀉

木香

甘草 五分

生姜三片紅棗二枚引

內托安神散

黃耆 一錢

人參 一錢

伏神 二錢

麥冬 一錢

元參 一錢

陳皮 五分

陳仁 一錢

遠志 五分

北味 五分

昌蒲 三分

甘草 七分

菊花甘草湯

白菊花 四兩

甘草 四錢

水煎服



北京中醫藥大學圖書館版權所有

楊梅瘡

楊梅瘡發無定處以其腫突紅爛狀如楊梅故爾名之生是毒者總由淫毒傳染而來古今稱名不一有名廣瘡者因其毒自嶺南也有名時瘡者以時氣乖變邪氣凑襲之故也有名棉花瘡者因其纏綿不已也有名天泡瘡者因其夾濕而生白泡也其害總不出氣化精化二因但氣化傳染者輕脾肺受毒其患先從上部見之皮膚作痒筋骨不疼毒尚在表未經入裡宜用五加皮飲服之元氣實者用楊梅一劑散瘡色淡白內毒已解徐用金蟬脫甲酒一料掃除餘毒以絕其源後用六味地黃

湯調理若精化慾染者重肝腎受毒其患先從下部見之發下  
疳生魚口漸至遍身發瘡筋骨疼痛小水淋瀝毒伏骨髓外達  
皮毛若非汗下兼行何以洗濯其臟腑乎宜內服防風敗毒散  
治之日久毒深者宜用竄毒丹治之次用搜風解毒湯解除餘  
毒服至瘡色淡白再用金蟾脫甲以絕其流徐用六味地黃湯  
調理善後外症潰爛成片而痛者用鷺黃散刷之斑痕不退而  
痒者用翠雲散點之輕者兩月可愈重者三月能痊若不遵此  
王道治法欲求速效妄用薰擦霸道以藥必致餘毒藏入骨髓  
復爲倒發結毒輕則累及妻子甚則腐爛損形不可不慎